



Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.29. S. Ludgerus Monasterienses.

[urn:nbn:de:hbz:466:1-66091](#)

Sæculum IX. fundatis Ecclesiis, datos sibi obsides, aut
 A. C. 804. diurno bello captos in Monasteria Fran-
 ciæ mittebat. Aliquos jam superius
 memini fundatos in Saxonia Episcopatus,
 nempe Verdensem, & Mindensem anno
 786. Bremensem anno 787. Osnabru-
 gensem anno 788. Paderbornensem an-
 no 795. nunc agendum est de Monaste-
 riensi, cui S. Ludgerus anno octingente-
 simo secundo primus Episcopus præ-
 stus est.

§. XXIX.

S. Ludgerus Monasteriensis.

Sup. Lib.
XLIV. §. 19 **S**anctus Ludgerus a Carolo Rege anno
 septingentesimo octogesimo septimo
 Frisonibus Orientalibus fidem prædicare
 jussus, ferventi zelo pio operi insudavit.
 Cum filium alicujus ex Principibus eo-
 rum nomine Landrycum e Sacro fonte
 levasset, sacris litteris imbutum, postea
 Presbyterum ordinavit, qui deinde lon-
 go tempore Scholæ Frisonum præfuit.
 S. Ludgero apud Friones prædicanti,
 cum in quendam vicum advenisset, ob-
 latus est homo cœcus nomine Bernele-
 fus totius viciniæ accolis ideo carissimus,
 quod antiqua carmina, in quibus vete-
 rum Regum Victoriae & facta memorabi-
 lia referebantur, hilariter recitaret. Hæ
 enim cantiones Germanis pro scripta hi-
 storia erant, quæ hactenus in memoria
 homi.

Boll. 26.
Mart. vit.
per. Altfr.
n. 19. to. 5.
Act. Ben. p.
25. Altfr.
lib. II.

Tac. Germ.
init.

hominum conservatae jubente Carolo Im-Sæculum IX.
peratore litteris mandatae fuerunt. A. C. 804.

Bernelefus a triennio oculis captus adducitur ad S. Ludgerum, qui ei persua-
Egin. vit.
c. 8. n. 34.
fit, ut pœnitentiam, quamcunque ipsi injuncturus esset, reciperet. Tum cum simul equitarent, a via paulisper abducit, confitentem audit, & pœnitentiam injungit. Mox etiam super oculos ejus signum Crucis format, & manus ejus prehendens interrogat, an quidquam vide-ret. Lætus ille respondet: *Video manum tuam.* Prosequitur S. Ludgerus ser-mones pios & documenta salutis, tum quærit, an pagum, cui appropinquabant, novisset. Bernelefus illius pagi nomen edicit, & addit, quod jam omnes arbores & domos cerneret. S. Ludgerus pe-tiit, ut juramento sibi promitteret, ne-mini, quoad viveret, manifestaturum, quis sibi visum restituisset; & Bernelefus, ut Viro Sancto obsequeretur, adhuc-dum per dies aliquot coecitatem simu-lavit.

Interim duo Virinobiles in Frisia per-secutione contra Fideles excitata, Eccle-sias incenderunt, & Clericos ejecerunt. Tunc vero S. Ludgerus non ignarus, quam carus popularibus suis Bernelefus esset, mandavit, ut domos intraret, & ex Matrum consensu infantes moribun-dos baptizaret. Aquam simpliciter be-

Ss 4 nedī

Sæculum IX. nediceret, eisque aspergeret, vel immer-
A. C. 804. geret. Cum hoc ritu octodecim bapti-
zasset, mortui sunt, exceptis duobus,
quibus exinde S. Ludgerus Sancto Chris-
mate Confirmationem contulit. Hic
notandum, quod Laicus mittatur ad ba-
ptizandum, & Baptismus conferatur per
aspersionem, cuius ritus ad hæc usque
tempora raro occurunt exempla. Ad
illud quoque attendo, quod hi infantes,
licet morituri, non nisi ex consensu Ma-
trum baptizentur. Persecutione post
unius anni spatium cessante, rediit cum
suis S. Ludgerus & Fidem, ut antea, præ-
dicavit. Sub idem tempus Monasterio
S. Salvatoris Verthinensi seu Verdensi,
Diœcesis Colonensis, in fundo mariti-
mo sui patrimonii fundato, Monachos
Benedictinos immisit, quibus ipse præ-
fuit. Id anno septingentesimo nonage-
simmo quinto factum creditur.

§. XXX.

Episcopatus Monasteriensis.

Saxonibus ad Fidem conversis, S. Lud-
gerus a Rege Carolo in quadam West-
phaliæ Regione, cuius locus præcipuus
Mimigerneford dicebatur, Pastor consti-
tutus, ibidem ædificavit Monasterium
Canonicorum, quod, sive Canonicci soli
fuerint, sive Monachis permixti, illi lo-
co nomen Münster peperit. Ex hoclo-

99